

四庫全書

集部

欽定四庫全書

御定全唐詩卷六百二十七

陸龜蒙

人日代客子

是日
立春

人日兼春日長懷復短懷遙知雙綵勝併作一金釵

築城詞二首

城上一培

一作杯
一作培

土手中千萬杵築城畏不堅堅城在

何處

莫歎將軍逼

一作築城勞

將軍要却敵城高功亦高爾命何

勞

一作足惜

古意

君心莫淡薄妾意正栖託願得雙車輪一夜生四角

春曉

春庭曉景別清露花遷迤黃蜂一過慵夜夜棲香藥

雜興

桃李傍簷楹無人賞春華時情重不見却憶菖蒲花

鴈

南北路何長中間萬弋張不知煙霧裏幾隻到衡陽

寄遠

鬢亂羞雲卷眉空羨月生中原猶將將何日重卿卿

庭前

合歡能解恚萱草信忘憂盡向庭前種萋萋特地愁

洞房怨

玉鐻朝扶鬢金梯晚下臺春衫將別淚一夜兩難裁

江行

酒旗菰葉外樓影浪花中
醉帆張數幅唯待鯉魚風

巫峽

巫峽七百里巫山十二重
年年自雲雨環佩竟誰逢

歸路

漸入新豐路衰紅映小橋
渾如七年病初得一丸銷

南塘曲

妾住東湖下郎居南浦邊
閒臨煙水望認得米菱船

黃金二首

自古黃金貴猶沽駿與才
近來簪珥重無可一作復上高

臺

平分從滿篋醉擲任成堆
恰莫持千萬明明買禍胎

夕陽

渡口和帆落城邊帶角收
如何茂陵客江上倚危樓

殘雪

桂冷微停素峰乾不徧
嵐何谿背林處猶覆定僧菴

古態

古態日漸薄
新妝心更勞
城中皆一尺
非妾髻髮高

大堤

大堤春日暮
驄馬解鏤衢
請君留上客
容妾薦彫胡

金陵道

北鴈行行直
東流澹澹春
當時六朝客
還道帝鄉人

離騷

天問復招魂
無因徹帝閣
豈知千麗句
不敵一讒言

對酒

後代稱歡伯前賢號聖人且須謀日富不要道家貧

寄南岳客乞靈蕪香

聞說融峰下靈香似反魂春來正堪采試為斲雲根

山陽燕中郊樂錄

淮上能無雨回頭總是情蒲帆渾未織爭得一歡成

偶作

雙眉初出繭兩鬢正藏鴉自有王昌在何勞近宋家

有示

相對莫辭貧蓬蒿任塞門無情是金玉不報主人恩

秋思三首

桐露珪初落蘭風佩欲衰不知能賦客何似枉

一作
捉刀

兒

誰作嫖姚幕能教霹靂車至今思秃尾無以代寒菹
未得同蠶杵何時減藥囊莫言天帝醉秦暴不靈長

早春

雨冷唯添暑煙初不著春數枝花類一作小愁殺扈芳

人

懷仙三首

聞道陽都女連娟耳細長自非黃犢客不得到雲房
但服鑲剛子無吟曲素詞須知臣漢客還見布龍兒
神燭光華麗靈祛羽翼生已傳餐玉粒猶自買雲英

芙蓉

閒吟鮑照賦更起屈平愁莫引西風動紅衣不耐秋

春思

怨鶯新語澀雙蝶鬪飛高作箇名春恨浮生百倍勞

風人詩四首

十萬全師出遙知正憶君一心如瑞麥長

一作

作兩岐

分

破檠供朝爨須憐是苦辛曉天窺落宿誰識獨醒人

旦日思雙屨明時願早諧丹青傳四瀆難寫是秋懷

聞道更新幟多應廢舊旗征衣無伴擣獨處自然悲

樂府雜詠六首

雙吹管

長短裁浮筠參差作飛鳳高樓微

一作明

月夜吹出江南

弄

東飛鳧

裁得尺錦書欲寄東飛鳧脰短翅亦短雌雄戀菰蒲

花成子

春風等君意亦解欺桃李寫得去時真歸來不相似

月成弦

孤光照還沒轉益傷離別妾若是嫦娥長圓不教缺

孤燭怨

前回邊使至聞道交河戰坐想鼓鞞聲寸心攢百箭

金吾子

嫁得金吾子常聞輕薄名君心如不重妾腰徒自輕

子夜四時歌

春

山連翠羽屏草接煙華席望盡南飛燕佳人斷消息

夏

蘭眼擡路斜鶯脣映花老金龍傾漏盡玉井敲冰早

秋

涼漢清沈寥衰林怨風雨愁聽絡緯唱似與羈魂語

冬

南雲一作光走冷圭北籟號空木年年任霜霰不減簷簷

綠

大子夜歌二首

歌謠數百種子夜最可憐慷慨吐清音明轉出天然
絲竹發歌響假器揚清音不知歌謠妙聲勢出口心

子夜警歌二首

鏤椀傳綠酒雕鑪薰紫煙誰知苦寒調共作白雪絃
恃愛如欲進含羞出不前朱口發豔歌玉指弄嬌絃


子夜變歌三首

人傳歡負情我自未嘗見三更開門去始知子夜變

歲月如流邁春盡秋已至
熒熒條上花零落何乃駛
歲月如流邁行已及素秋
蟋蟀吟堂前惆悵使儂愁

江南曲五首

魚戲蓮葉間參差隱葉扇
鷓鴣鸚鵡窺潏濫無因見
魚戲蓮葉東初霞射紅尾
傍臨謝山側恰值清風起
魚戲蓮葉西盤盤舞波急
潛依曲岸涼正直斜光入
魚戲蓮葉南欹危舞煙疊
光搖越鳥巢影亂吳娃楫
魚戲蓮葉北澄陽動微漣
回看帝子渚稍背鄂君船



御定全唐詩卷六百二十七

欽定四庫全書

集部

御定全唐詩卷六百

二十八至
三十一

詳校官庶吉士臣胡 鉅

主事銜臣徐以坤覆勘

總校官知縣臣 繆 琪

校對官助教臣 汪日贊

謄錄監生臣 李大綬

欽定四庫全書

御定全唐詩卷六百二十八

陸龜蒙

陌上桑

皓齒還如貝色

一作光

含長眉亦似煙華貼鄰娃盡著繡

襦襦獨自提筐採蠶葉

自遣詩三十首

自遣詩者震澤別業之所作也故疾未平厭厭卧

田舍中農夫日以來耜事相聒每至夜分不睡則
百端興懷攪人思益紛亂無緒且詩者持也謂持
其情性使不暴去因作四句詩累至三十絕絕各
有意既曰自遣亦何必題為

五年重別

一作到

舊山村樹有交柯犢有孫更

一作重

感卞

峰顏色好曉雲纔散便

一作已

當門

雪下孤村淅淅鳴病魂無睡灑來清心搖祇

一作只

待東

窻曉長媿寒雞第一聲

多情多感自難忘，祇有風流共古長。
座上不遺金帶枕，陳王詞賦為誰傷。

甫

一作角

里先生未白頭，酒旗猶可戰高樓。
長鯨好鱸無因得，乞取舩艍作釣舟。

花瀨濛濛紫氣昏

紫花瀨在顧渚步

水邊山曲更深

一作容

村終

須揀取幽棲處

一作地

老檜成雙便作門

陰洞曾為採藥行，冷雲凝絕燭微明。
玉芝敲折瑩然墮

合有真人

一作官

上姓名

長歎人間髮易華
暗將心事許煙霞
病來前約分明在
藥鼎書囊便是家

醞得秋泉似玉容
比于雲液更應濃
思量北海徐劉輩
枉向人間號酒龍

羊侶多應自古豪
解盤金稍置纖腰
縱然此事教雙得
不博溪田二頃苗

偶然攜稚看微波
臨水春寒一倍多
便使筆精如逸少
嬾能書字換羣鵝

昔聞莊叟迨迨夢又道韓生

一作馮

冉冉

一作冉冉

飛知有姓

名聊寄問更無言語抱斜暉

雪侵春事太無端舞急微還近臘寒應是也疑真宰怪
休時猶未徧林巒

數尺遊絲墮碧空年年長是惹東

一作春

風爭知天上無

人住亦有春愁鶴髮翁

誰使寒鴉意緒嬌雲情山晚動情慘亂和殘照紛紛舞
應索陽烏次第饒

古往天高事渺茫，
知靈媛不淒涼。
月娥如有相思淚，
祇待方諸寄兩行。

本來雲外寄閒身，
遂與溪雲作主人。
一夜逆風愁四散，
曉來零落傍衣巾。

淵明不待公田熟，
乘興先秋解印歸。
我為餘糧春未去，
到頭誰是復誰非。

雲擁根株抱石危，
斲來文似瘦蛟螭。
幽人帶病慵

一作愁

朝起祇向春山盡日欵。

月澹花閒夜已深
宋家微詠若遺音
重思萬古無人賞

露濕清香獨滿襟

宋玉有
微詠賦

南岸春田手自農
往來橫截半江風
有時不耐輕橈興
暫欲蓬山訪洛公

賢達垂竿小隱中
我來真作捕魚翁
前溪一夜春流急
已學嚴灘下釣筒

水國君王又姓蕭
風情由是冠南朝
靈和殿下巴江柳
十二旒前舞翠條

強梳蓬鬢整斜冠
片燭光微夜思闌
天意最饒惆悵事
單棲分付與春寒

無多藥圃近南榮
合有新苗次第生
稚子不知名品上
恐隨春草鬪輸贏

一派溪隨箬

一作若

下流春來無處不
汀洲漪瀾未碧蒲

猶短不見鴛鴦正自由

山下花明水上曛
一橈青翰破霞文
越人但愛風流客
繡被何須屬鄂君

妍華須是占時生準擬差肩不近情佳麗幾時腰不細
荆王辛苦致宮名

姪女精神似月孤敢將容易入洪爐人間縱道鉛華少
蝶翅新篁未肯無

貞白求丹變姓名主恩潛助亦無成侯家竟換梁天子
王整徒勞作外兵

春雨能膏草木肥就中林野碧含滋唯餘病客相逢背
一夜寒聲減四肢

別墅懷歸

東去滄溟百里餘，沿江潮信到吾廬。
就中家在蓬山下，一日堪憑兩寄書。

野井

朱閣前頭露井多，碧梧桐一作桃花下美人過。
寒泉未必能如此，奈有銀鉶素綆何。

南征

丞相南征定有無，幕中誰是騁良圖。
遙知賊膽縱橫破。

大一作繞帳生屏一萬株

北渡

江客柴門枕浪花鳴機寒艣任嘔啞輕舟過去真堪畫
驚起鸕鷀一陣斜

夜泊詠棲鴻

可憐霜月暫相依莫向衡陽趁逐一作隊飛同是江南一作

天寒夜客羽毛單薄稻梁微

早行

水

一作冰

寒孤權觸天文直似乘槎去問津縱使碧虛無

限好客星名字也愁人

木蘭堂

一作李商隱詩

洞庭波浪渺無津日日征帆送遠人幾度木蘭舟上望
不知元是此花身

和襲美春夕陪崔諫議櫻桃園宴

佳人芳樹雜春蹊花外煙濛月漸低幾度豔歌清欲轉
流鶯驚起不成棲

和襲美松江早春

柳下江餐待好風
暫時還得狎漁翁
一生無事煙波足
唯有沙邊水勃公

和襲美女墳湖

即吳王葬
女之所

水平波淡遠迴塘
鶴殉人沈萬古傷
應是離魂雙不得
至今沙上少鴛鴦

和襲美泰伯廟

故國城荒德未荒
年年椒奠濕中堂
邇來父子爭天下

不信人間有讓王

和襲美木蘭院次韻

苦吟清漏迢迢極月過花西尚未眠猶憶故山欹警枕
夜來嗚咽似流泉

和襲美重題薔薇

穠華自古不得久況是倚春春已空更被夜來風雨惡

滿階狼籍沒

一作許多紅

和襲美春夕酒醒

幾年無事傍江湖
醉倒黃公舊酒壚
覺後不知明月上
滿身花影倩人扶

和襲美木蘭後池三詠

重臺蓮花

水國煙鄉足芰荷
就中芳瑞此難過
風情為與吳王近
紅萼常教一倍多

浮萍

晚來風約半池明
重疊侵沙綠
麝成不用臨池更
相笑

最無根蒂是浮名

白蓮

素蘂多蒙別豔欺此花真

一作端

合在瑤池還應

一作無情

有

恨無

一作何

人覺月曉風清欲墮時

和襲美重題後池

曉煙清露暗相和浴雁浮鷗意緒多却是陳王詞賦錯
枉將心事托微波

和胥

一作青

門閒泛

細粲輕揮下白蘋
故城花謝綠陰新
豈無今日逃名士
試問南塘著屨人

襲美初植松桂偶題

軒陰冉冉移斜日
寒韻泠泠入晚風
煙格月姿曾不改
至今猶似在山中

和襲美館娃宮懷古五絕

三千雖衣水犀珠
半夜夫差國暗屠
猶有八人皆二八
獨教西子占亡吳

一宮花渚漾漣漪
倭墮鴉鬟出
繭眉可料座中歌舞袖
便將殘節拂降旗

幾多雲榭倚青冥
越燄燒來一片平
此地最應沾恨血
至今春草不勻生

江色分明練繞臺
戰帆遙隔綺疏開
波神自厭荒淫主
句踐樓船穩帖來

寶袜香綦碎曉塵
亂兵誰惜似花人
伯勞應是精靈使
猶向殘陽泣暮春

和襲美虎丘寺小溪閒泛三絕

樹號相思枝拂地
鳥語提壺聲滿溪
雲涯一里千萬曲
直是漁翁行也迷

荒柳卧波渾似困
宿雲遮塢未全癡
雲情柳意蕭蕭會
若問諸餘總不知

每逢孤嶼一倚檝
便欲狂歌同採薇
任是煙蘿中待月
不妨欹枕扣舷歸

和襲美天竺寺八月十五夜桂子

霜實常聞秋半夜天台天竺墮雲岑

出拱中天台桂子落一百餘日方止

如何兩地無人種却是湘灘是桂林

戲題襲美書印囊

鵲銜龜顧妙無餘不愛封侯愛石渠
應笑休文過萬卷至今誰道沈家書

和襲美釣侶二章

一艇輕棹看曉濤接羅拋下漉春醪
相逢便倚蕪葭泊更唱菱歌擘蟹螯

雨後沙虛古岸崩
魚梁移入亂雲層
歸時月墮汀洲暗
認得妻兒結網燈

和襲美寄同年韋校書

萬古風煙滿故都
清才搜括妙無餘
可中寄與芸香客
便是江南地里書

和襲美初冬偶作

桐下空堦疊綠錢
貂裘初綻擁高眠
小爐低幌還遮掩
酒滴清香似去年

襲美醉中寄一壺并一絕走筆次韻奉酬

酒痕衣上雜莓苔猶憶紅螺一兩杯
正被遶籬荒菊笑日斜還有白衣來

再和次韻

堦下飢禽啄嫩苔野人方倒病中杯
寒蔬賣却還沽喫可有金貂換得來

和襲美重玄寺雙矮檜

可憐煙刺是青螺如到雙林誤禮多
更憶早秋登北固

海門蒼翠出晴波

醉中戲贈襲美

南北風流舊不同
僖吳今日若相通
病來猶伴金杯滿
欲得人呼小褚公

潤卿遺青餽飯兼之一絕聊用荅謝

舊聞香積金仙食
今見青精玉斧餐
自笑鏡中無骨錄
可能飛上紫雲端

文讌招潤卿博士辭以道侶將至一絕寄之

仙客何時下鶴翎方瞳如水腦華清不過傳達楊君夢
從許人間小兆聽

再招

遙知道侶談玄次又是文交麗事時雖是寒輕雲重日
也留花簞待徐摘

玩金鵝灘戲贈襲美

曾向溪邊泊暮雲至今猶憶浪花羣不知鏤羽凝香露
堪與鴛鴦覺後聞

子規一首

碧竿微露月玲瓏
謝豹傷心獨叫風
高處已應聞滴血
山榴一夜幾枝紅

寄題天台國清寺齊梁體

峰帶樓臺天外立
明河色近罽毼濕
松間石上定僧寒
半夜猶溪水聲急

奉和諫議酬先輩霜菊

紫莖芳豔照西風
祇怕霜華掠斷叢
爭奈病夫

一作雖
伴應劉

難強飲

一作醉

應須速自召車

一作路人終要識山

公

和襲美詠臯橋

橫截春流架斷虹
凭欄猶思五噫風
今來未必非梁孟
却是無人斷伯通

和襲美悼鶴

鄮都香稻字重思
遙想飛魂去未飢
爭奈野鴉無數健
黃昏來占舊棲枝

和醉中襲美先起次韻

莫唱豔歌凝翠黛已通仙籍在金閨他時若寄相思淚
紅粉痕應伴紫泥

和襲美酒病偶作次韻

柳疎桐下晚窻明祇有微風為折醒唯欠白綃籠解散

解散王儉髻名
時人皆慕之也

洛生閒詠兩三聲

憶白菊

稚子書傳白菊開西成相滯未容迴月明階下窻紗薄
多少清香透入來

和同潤卿寒夜訪襲美各惜其志次韻

醉韻飄飄不可親，掉頭吟側華陽中。
如能跂脚南

一作東

窻下便是羲皇世上人

和襲美寒夜文讌潤卿有期不至

細雨輕觴玉漏終，上清詞句落吟中。
松齋一夜懷貞白，霜外空聞五粒風。

移石盆

移得龍泓激濫寒，月輪初下白雲端。
無人盡日澄心坐

倒影新篁一兩竿

石竹花詠

曾看南朝畫國娃古蘿

一作蘿

衣上碎明霞而今莫共金

錢鬪買却春風是此花

御定全唐詩卷六百二十八

欽定四庫全書

御定全唐詩卷六百二十九

陸龜蒙

和襲美友人許惠酒以詩徵之

凍醪初漉嫩如春
輕蟻漂漂雜藥塵
得伴方平同一醉
明朝應作蔡經身

聞圓載上人挾儒書泊釋典歸日本國更作一
絕以送之

九流三藏一時傾萬軸光凌渤海聲從此遺編東去後
却應荒外有諸生

閒吟

閒吟料得三更盡始把孤燈背竹窻一夜西風高浪起
不教歸夢過寒江

秋色越器

九秋風露越窑開奪得千峰翠色來好向中宵盛沆瀣
共嵇中散鬪遺杯

景陽宮井

古堞煙埋宮井樹
陳主吳姬墮泉處
舜沒蒼梧萬里雲
却不聞將二妃去

江南二首

便風船尾香杭熟
細雨層頭赤鯉跳
待得江餐閑望足

一作處日斜方動木蘭橈

村邊紫豆花垂次
岸上紅梨葉戰初
莫怪煙中重回首

酒家

一作旗

青紵一行書

溪思雨中

雨映前山萬鈞

一作句

絲杼聲衝破

一作碎

似鳴機無端織

得愁成段堪作騷人酒病衣

江城夜泊

漏移寒箭丁丁急月挂虛弓靄靄明此夜離魂堪射斷
更須江笛兩三聲

宮人斜

草著

一作樹

愁煙似不春晚鶯哀怨問行人須知一種埋

香骨猶勝昭君作虜塵

送慕容

滿目山川似勢慕容況當秋雁正斜飛金門若召羊玄保
賭取江東太守歸

漢宮詞

招靈閣上霓旌絕柏梁臺中珠翠稠一身三十六宮夜
露滴玉盤青桂秋

上清

玉林風露寂寥清
仙妃對月閒吹笙
新篁冷澀曲未盡
細拂雲枝棲鳳鷲

秋荷

蒲茸承露有佳色
菱葉束煙如效顰
盈盈一水不得渡
冷翠遺香愁向人

有別二首

且將絲紉繫蘭舟
醉下煙汀減去愁
江上有樓君莫上

落花隨浪

一作水

正東流

池上已看鶯舌默，雲間應即雁翰開。
唯愁別後當風立，萬樹將秋入恨來。

病中曉思

月墮霜西竹井寒，
鞭絲凍下餅難幽。
人病久，渾成渴，
愁見龍書一鼎乾。

送友人之湖上

故人溪上有漁舟，
竿倚風蘋夜不收。
欲寄一函聊問訊，
洪喬寧作置書郵。

寒日逢僧

瘦脰高褰梵屨輕野塘風勁錫環鳴如何不向深山裏
坐擁閑雲過一生

冬柳

柳汀斜對野人窻零落衰條傍曉江正是霜風飄斷處
寒鷗驚起一雙雙

寄友人

敬亭寒夜溪聲裏同聽先生講太玄上得雲梯不回首

釣竿猶在五湖邊

島樹

波濤漱苦盤根淺
風雨飄多著葉遲
迴出孤煙殘照裏
鷺鷥相對立高枝

頭陀僧

萬峰圍繞一峰深
向此長修苦行心
自掃雪中歸鹿跡
天明恐被獵人尋

晚渡

半波風

一作飛

雨半波晴漁曲飄秋野調清各樣蓮船逗

村去笠簷衰袂有殘

一作餘聲

贈老僧二首

枯貌自同霜裏木餘生唯指佛前燈少時寫得坐禪影
今見問人何處僧

自有家山供衲線不離溪曲取菴茅舊曾聞說林中鳥
定後長來頂上巢

憶山泉

一夜寒聲來夢裏
平明著屐到聲邊
心期盛夏同一作
過此脫却荷衣石上眠

白芙蓉

澹然相對却成勞
月染風裁箇箇高
似說玉皇親謫墮
至今猶著水霜袍

巖光釣臺

片帆竿外揖清風
石立一作雲孤
萬古中不是狂奴為

故態仲華爭得黑頭公

讀陳拾遺集

蓬穎何時與恨平
蜀江衣帶蜀山輕
尋聞騎士梟黃祖
自是無人祭禰衡

吳宮懷古

香逕長洲盡棘叢
奢雲豔雨祇悲風
吳王事事須亡國
未必西施勝六宮

送琴客之建康

蕙風杉露共泠泠
三峽寒泉漱玉清
君到南朝訪遺事

柳家雙鎖舊知名

閨怨

白袷行人又遠遊
日斜空上映花樓
愁絲墮絮相逢著
絆惹春風卒未休

丁香

江上悠悠人不問
十年雲外醉中身
殷勤解却丁香結

縱一作從放繁枝散誕春

種蒲

杜若溪邊手自移，旋抽煙劍碧參差。
何時織得孤帆去，懸向秋風訪所思。

范蠡

平吳專越禍胎深，豈是功成有去心。
句踐不知嫌鳥喙，歸來猶自鑄良金。

山僧二首

山蘚幾重生草履澗

一作洞

泉長自滿銅鉗時，將如意敲

眠虎遣向林間坐聽經。

一夏不離蒼島上秋來頻話石城南思歸瀑布聲前坐
却把松枝拂舊菴

上雲樂

青絲作笄

一作笄

桂為船白兔擣藥蝦蟇丸使浮天漢泊

星渚回首笑君承露盤

新秋雜題六首

眠

一簟臨窻薤葉秋小簾風蕩半離鉤魂清雨急夢難到

身在五湖波上頭

行

尋人直到月塢北
覓鶴便過雲峰西
只今猶有疎野調
但繞莓苔風雨畦

倚

橘下凝情香染巾
竹邊留思露搖身
背煙垂首一作手
盡日立憶得山中無事人

吟

憶山搖膝石上晚懷古掉頭溪畔涼
有時得句一聲發
驚起鷺鷥和夕陽

食

日午空齋帶睡痕
水蔬山藥薦盤飧
林鳥信我無機事
長到而今下石盆

坐

偶避蟬聲來隙地
忽隨鴻影入遼天
閒僧不會寂寥意
道學西方人坐禪

新沙

渤澥聲中漲小隄官家知後海鷗知蓬萊有路教人到
應亦年年稅紫芝

鄴宮詞二首

魏武平生不好香楓膠蕙炷潔宮房可知遺令非前事
却有餘薰在繡囊

花飛蝶駭不愁人水殿雲廊別置春曉日靚妝千騎女
白櫻桃下紫綸巾

古別離

仙人左手把長箭欲射日烏烏不棲何事離情畏明發
一心唯恨汝南雞

高道士

我眉道士風骨峻手把玉皇書一通東遊借得琴高鯉
騎入蓬萊清淺中

蔬食

孔融不要留殘膾庾悅無端恡子鵝香稻熟來秋菜嫩

伴僧餐了聽雲和

寄遠

縹梨花謝鶯口啖黃犢少年人未歸畫扇紅弦相掩映
獨看斜月下簾衣

山中僧

手闕

一作開

一室翠微裏日暮白雲棲半間白雲朝出天

際去若比老僧猶

一作雲

未閒

洞宮秋夕

濃霜打葉落地聲南溪石泉細泠泠洞宮寂寞人不
坐見月生雲母屏

連昌宮詞二首

門

金鋪零落獸鐸空斜揜雙扉細草中日暮鳥歸一作啼宮
樹綠不聞鴉軋閉春風

階

草沒苔封疊翠斜墜紅千葉擁殘霞年年直為秋霖苦

滴陷青珉隱起花

懷宛陵舊遊

陵陽佳地昔年遊
謝朓青山李白樓
唯有日斜溪上思
酒旗風影落春流

松石曉景圖

霜骨雲根慘澹愁
宿煙封著未全收
將歸與說文通後
寫得松江岸上秋

釣車

小輪輕線妙無雙
曾伴幽人酒一缸
洛客見詩如有問
輾煙衝雨過桐江

漉酒巾

靖節高風不可攀
此巾猶墜

一作墜

凍醪間偏宜雪夜山

中戴認取時情與醉顏

華陽巾

蓮花峰下得佳名
雲褐相兼上鶴翎
須是古壇秋霽後
靜焚香炷禮寒星

方響

擊霜寒玉亂丁丁
花底秋風拂坐生
王母閒看漢天子
滿倚蘭殿佩環聲

白鷺

雪然飛下立蒼苔
應伴江鷗拒我來
見欲扁舟搖蕩去
倩君先作水雲媒

溪行

晚天寒雨上灘時
他已揚舡我尚遲
自是檣低帆幅少

溪風終不兩般吹

太湖叟

細漿輕船賣石歸
酒痕狼籍徧苔衣
攻車戰艦繁如織
不肯回頭問是非

荅友人

荆卿雄骨化為塵
燕市應無共飲人
能脫鷓鴣來換酒
五湖賒與一年春

偶作

酒信巧為綠病緒花音長作嫁愁媒也知愁病堪回避
爭奈流鶯喚起來

春思二首

竹外麥煙愁漠漠短翅啼禽飛魄魄此時憶著千里人
獨坐支頤看花落

江南酒熟清明天高高綠旆當風懸誰家無事少年子
滿面落花猶醉眠

訪僧不遇

擢倚東林欲問禪
遠公飛錫未應還
蒙莊弟子相看笑
何事空門亦有關

謝山泉

泱泱春泉出洞霞
石壇封寄野人家
草堂盡日留僧坐
自向前溪摘茗芽

洞宮夕

一作華
陽觀

月午山空桂花

一作中天
月冷霜華

落華陽道士雲衣薄
石壇香

一作風

散步虛聲杉雲

一作露

清冷

一作冷

滴栖鶴

峽客行

萬仞峰排千劔束孤舟夜繫峰頭宿蠻溪雪壞蜀江傾
濫灑朝來大如屋

江邊

江邊日晚潮煙上樹裏鴉鴉桔槔響無因得似灌園翁
十畝春蔬一藜杖

簾

枕映疎容晚向欹秋煙脈脈雨微微逆風障燕尋常事

不學人前當妓衣

開元雜題七首

玉龍子

何代奇工碾玉英
細髯纖角盡雕成
煙乾霧悄君心苦
風雨長隨一擲聲

照夜白

雪蚪輕駿步如飛
一練騰光透月旗
應笑穆王拋萬乘
踏風鞭露向瑤池

舞馬

月窟龍孫四百蹄
驕驤輕步應金鞞
曲終似要君王寵
回望紅樓不敢嘶

雜伎

拜象馴犀角觝豪星
九霜劍出花高六宮
爭近乘輿望珠翠
三千擁赭袍

雪衣女

嫩紅鈎曲雪花攢
月殿棲時片影殘
自說夜來春夢惡

學持金偈玉欄干

繡嶺宮

繡嶺花殘翠倚空
碧窻瑤砌舊行宮
閑乘小駟濃陰下
時舉金鞭半袖風

湯泉

暖殿流湯數十間
玉渠香細浪回環
上皇初解雲衣浴
珠櫂時敲瑟瑟山

題杜秀才水亭

一本題上有荆溪
早景四字

曉和風露立晴煙祇恐腥魂浣洞天雲肆有龍君若買
便敲初日鑄金錢

翠碧

紅襟翠翰兩參差徑拂煙華上細枝春水漸生魚易得
莫辭風雨坐多時

御定全唐詩卷六百二十九

欽定四庫全書

御定全唐詩卷六百三十

陸龜蒙

水國詩

以下雜體詩

水國不堪旱斯民生甚微直至葭茨少敢言魚蟹肥我
到荒村無食啗對案又非梁謝覽況是乾苗結子疎歸
時祇得藜羹糝

井上桐

美人傷別離，汲井長待曉。愁因轆轤轉，驚起雙棲鳥。獨立傍銀牀，碧桐風嫋嫋。

門前路

門前向城路，一直復一曲。曲去日中

一作終

還，直行日暮。

宿何必日中，還曲途荆棘間。

彼農二章

世路澆

一作戲

險，淳風蕩除。彼農家流，猶存厥初。藁馬而

席茨馬，而居首亂。如葆形枯，若脂大耋。既飴童子，未齧

魚音以負以載悉孳悉鉏我慕聖道我耽古書小倦於學
時遊汝廬有飯一盛莫鹽莫蔬有繻一緹不襟不袪所
謂飢寒汝何道歟

禹貢厥田上下各異善人為邦民受其賜去年西成野
有遺穗今夏南畝旱氣赤地遭其豐凶槩斂無二退輸
弗供進訴弗視號于旻天以血為淚孟子有言王無罪
歲詩之窮辭以嫉悍吏

奉酬襲美苦雨見寄

松篁交加午陰黑別是江南煙靄國頑雲猛雨更相欺
聲似號號色如墨茅茨衰爛簷生夜夜化為螢火飛
螢飛漸多屋漸薄一注愁霖當面落愁霖愁霖爾何錯
減頂於余奚所作既不能賦似陳思王又不能詩似謝
康樂曹有愁霖賦謝有愁霖詩昔年嘗過杜子美亦得高歌破印紙
慣曾掀攪大筆多為我才情也如此高揖愁霖詞未已
披文忽自皮夫子哀絃怨柱合為吟恠我窮棲蓬藿裏
初悲濕翼何由起未欲牋天叩天耳其如玉女正投壺

笑電霏霏作天喜我本曾無一稜

去聲

田平生嘯傲空漁

船有時赤脚弄明月踏破五湖光底天去歲王師東下
急輸兵粟盡民相泣伊予不戰不耕人敢怨烝黎無糝
粒不然受性圓如規千姿萬態分毫釐唾壺虎子盡能
執舐痔折枝無所辭有頭強方心強直撐拄頹風不量
力自愛垂名野史中寧論抱困荒城側唯君浩歎非庸
人分衣輟飲來相親橫眠木榻忘華薦對食露葵輕八
珍欲窮玄鳳未白欲懷仙鯨尚隔不如驅入醉鄉中只

恐醉鄉田地窄

夏日閒居作四聲詩寄襲美

平聲

荒池菰蒲深閒堦莓苔平江邊松篁多人家簾櫳清為
書凌遺編調絃夸新聲求歡雖殊途採幽聊怡情

平上聲

朝煙涵樓臺晚雨染島嶼漁童驚狂歌艇子喜野語山
容堪停杯柳影好隱暑年華如飛鴻斗酒幸且舉

平去聲

新開窻猶偏自種蕙未徧書籤風搖聞釣榭霧破見耕
耘閑之資嘯詠性最便希夷全天真詎要問貴賤

平入聲

端居愁無涯一夕髮欲白因為鸞章吟忽憶鶴骨客手
披丹臺文脚著赤玉烏如蒙清音酬若渴吸月液

奉酬襲美苦雨四聲重寄三十二句

平聲

幽棲眠疎窻，豪居憑高樓。
浮漚驚跳丸，寒聲思重裘。
牀前垂文竿，巢邊登輕舟。
雖無東臯田，還生魚乎憂。

平上聲

層雲愁天低，久雨倚檻冷。
絲禽藏荷香，錦鯉繞島影。
心將時人乖，道與隱者靜。
桐陰無深泉，所以逞短綆。

平去聲

烏蟾俱沈光，晝夜恨暗度。
何當乘雲螭，面見上帝愬。
臣言陰雲一作靈欺，詔用利劔付迴車。
誅羣姦自散，萬籟怒。

平入聲

危簷仍空塔十日滴不歇青莎看成狂白菊即欲沒吳
王荒金尊越妾挾玉瑟當時雖愁霖亦若惜落月

曉起即事因成迴文寄襲美

平波落

一作送

月吟閒景

一作境

暗幌浮煙思起人清露曉

垂花謝半遠風微動蕙抽新城荒上處樵童小石蘚分
來宿鷺馴晴寺野尋同去好古碑苔字細書勻

回文

靜煙臨碧樹殘雪背晴樓冷天侵極戍寒月對行舟
疊韻山中吟

瓊英輕明生石脈滴瀝碧玄鈿仙偏憐白幘客亦惜

雙聲溪上思

溪空唯容雲木密不隕雨迎漁隱映間安問謳鴉櫂

疊韻吳宮詞二首

膚愉吳都姝眷戀便殿宴逡巡新春人轉面見戰箭
紅櫳通東風翠珥醉易墜平明兵盈城棄置遂至地

和胥口即事

雨後山容若動天，寒樹色如消。
目送迴汀隱隱，心隨挂鹿搖。
搖白蔣，知秋露，衰青楓。欲暮煙饒，
莫問吳趨行樂。酒旗竿倚河橋。

把釣絲隨浪遠，米蓮衣染香濃。
綠倒紅飄，欲盡風斜雨。細相逢。
斷岸沈漁罟。罟二音魚網也鄰村送客，
龍舸即是。

清霜剖野乘閑，莫厭來重。

齊梁怨別

寥寥缺月看將落
簷外霜華染羅幕
不知蘭櫂到何山
應倚相思樹邊泊

閒居雜題五首

以題十五
字離合

鳴蜩早

閒來倚杖柴門口
烏下深枝啄晚蟲
周步一池銷半日
十年聽此鬢如蓬

野態真

君如有意耽田里
予亦無機向藝能
心跡所便唯是直

人間聞道最先憎

松間斟

子山園靜憐幽木公幹詞清詠華門月上風微蕭灑甚
斗醪何惜置盈尊

飲巖泉

已甘茅洞三君食欠買桐江一朵山巖子瀨高秋浪白
水禽飛盡釣舟還

當軒鶴

自笑與人乖好尚田家山客共柴車
干時未似棲廬

一作

接

盧雀鳥道間攜相爾書

藥名離合夏日即事三首

乘屐著來幽砌滑石罌煎得遠泉
甘草堂祇待新秋景
天色微涼酒半酣

避暑醉眠從撲野葛巾筠席更相當
歸來又好乘涼釣
藤蔓陰陰著雨香

窗外曉簾還自卷柏煙蘭露思晴空
青箱有意終須續

斷簡遺編一半通

和襲美懷錫山藥名離合二首

鶴伴前溪栽白杏
人來陰洞寫枯松
蘿深境靜日欲落
石上未眠聞遠鐘

佳句成來誰不伏
神丹偷去亦須防
風前莫怪攜詩藁
本是吳吟蕩槩郎

和襲美懷鹿門縣名離合二首

雲容覆枕無非白
水色侵磯直是藍
田種紫芝食可壽

春來何事戀江南

竹溪深處猿同宿
松閣秋來客共登
封逕古苔侵石鹿
城中誰解訪山僧

寒日古人名

初寒朗詠裴回立
欲謝玄關早晚開
昨日登樓望江色
魚梁鴻雁幾多來

句

幾點社翁雨
一番花信風

見提
要錄

水鳥歌
婦女衣襟便

佞舌

以下並見
海錄碎事

溪山自是清涼國松竹合封蕭灑侯

山上花明水上曛一椀青翰破霞文白帝霜興欲

御秋

但說漱流并枕石不辭蟬腹與龜腸

以下見
侯鯖錄

頭方不會王門事塵土空縑白苧衣秋來嬾上向吳

亭

見方輿
勝覽

欽定四庫全書



御定全唐詩卷六百三十

御定全唐詩卷六百三十

欽定四庫全書

御定全唐詩卷六百三十一

張賁

張賁字潤卿南陽人登大中進士第唐末為廣文博士
嘗隱于茅山後寓吳中與皮陸遊詩十六首

旅泊吳門

一舸吳江晚堪憂病廣文鱸魚誰與伴鷗鳥自成羣反
照縱橫水斜空斷續雲異鄉無限思盡付酒醺醺

賁中間有吳門旅泊之什蒙魯望垂和更作一

章以伸酬謝

偶發陶匏響皆蒙組繡文
清秋將落帽子夏正離羣有
恨書燕雁無聊賦郢雲徧看心
自醉不是酒能醺

酬襲美先見寄倒來韻

尋疑天意喪斯文
故選茅峰寄白雲
酒後只留滄海客
香前唯見紫陽君
近年已絕詩書癖
今日兼將筆硯焚
為有此身猶苦患
不知何者是玄纁

奉和襲美醉中即席見贈次韻

桂枝新下月中仙
學海詞鋒譽藹然
文陣已推忠信甲
窮波猶認孝廉船
清標稱住羊車上
俗韻慚居鶴氅前
共許逢蒙快弓箭
再穿楊葉在明年

奉和襲美題褚家林亭

疎野林亭震澤西
朗吟閒步喜相攜
時時風折蘆花亂
處處霜摧稻穗低
百本敗荷魚不動
一枝寒菊蝶空迷
今朝偶得高陽伴
從放山翁醉似泥

奉和襲美傷開元觀顧道士

鳳麟膠盡夜如何共歎先生劍解多
幾度弔來唯白鶴此時乘去必青騾
圖中含景隨殘照琴裏流泉寄逝波
惆悵真靈又空返玉書誰授紫微歌

和魯望白菊

雪彩冰姿號女華寄身多是地仙家
有時南國和霜立幾處東籬伴月斜
謝客瓊枝空貯恨袁郎金鈿不成誇
自知終古清香在更出梅粧弄晚霞

奉和襲美先輩悼鶴

池塘蕭索掩空籠，玉樹同嗟一土中。
莎徑罷鳴唯泣露，松軒休舞但悲風。
丹臺舊斁難重緝，紫府新書豈更通。
雲滅霧消無處問，只留華髮與衰翁。

偶約道流終乖文會答皮陸

僊侶無何訪蔡經，兩煩韶濩出彤庭。
人間若有登樓望，應怪文星近客星。

和襲美寒夜見訪

雲孤鶴獨且相親
倣効從它折角巾
不用吳江歎留滯
風姿俱是玉清人

和襲美醉中先起次韻

何事桃源路忽迷
惟留雲雨怨空閨
僊郎共許多情調
莫遣重歌濁水泥

和皮陸酒病偶作

白編椰席鏤冰明
應助楊青解宿醒
難繼二賢金玉唱
可憐空作斷猿聲

送浙東德師侍御罷府西歸

孤雲獨鳥本無依
江海重逢故舊稀
楊柳漸疎蘆葦白
可憐斜日送君歸

以青飀飯分送襲美魯望因成一絕

誰屑瓊瑤事青飀
舊傳名品出華陽
應宜仙子胡麻拌
因送劉郎與阮郎

玩金鷄鵝和陸魯望

翠羽紅襟鏤彩雲
雙飛常笑白鷗羣
誰憐化作彫金質

從倩沈檀十里聞

悼鶴和襲美

渥頂鮮毛品格馴
莎庭閑暇重難羣
無端日暮東風起
飄散春空一片雲

崔璐

崔璐登咸通七年進士第詩一首

覽皮先輩盛製因作十韻以寄用伸欵仰

河嶽挺靈異星辰精氣殊在人為英傑與國作禎符襄

陽得竒士俊邁真龍駒勇果魯仲由文賦蜀相如渾浩
江海廣葩華桃李敷小言入無間大言塞空虛幾人遊
赤水夫子得玄珠鬼神爭奧秘天地惜洪鑪既有曾參
行仍兼君子儒吾知上帝意將使居黃樞好保千金體
須為萬姓謨

李穀

李穀字德師咸德進士唐末為浙東觀察推官兼殿中
侍御史詩四首

浙東罷府西歸酬別張廣文皮先輩陸秀才

豈有頭風筆下痊
浪成蠻語向初筵
蘭亭舊趾雖曾見
柯笛遺音更不傳
照曜文星吳分野
留連花月晉名賢
相逢只恨相知晚
一曲驪歌又幾年

和皮日休悼鶴

才子襟期本上清
陸雲家鶴伴閑情
猶憐反顧五六里
何意忽歸十二城
露滴誰聞高葉墜
月沈休藉半階明
人間華表堪留語
剩向秋風寄一聲

道林曾放雪翎飛，應悔庭除閉羽衣。
料得王恭披鶴氅，倚吟猶待月中歸。

醉中襲美先月中歸

休文雖即逃瓊液，阿鷺還須掩玉闈。
月落金鷄一聲後，不知誰悔醉如泥。

崔璞

崔璞清河人，蘇州刺史。咸通初，歷右散騎常侍。詩二首。

奉酬皮先輩霜菊見贈

菊花開晚過秋風聞道芳香正滿叢爭奈病夫難強飲
應須速自召車公

蒙恩除替將還京洛偶叙所懷因成六韻呈軍

事院諸公郡中一二秀才

兩載求人瘼三春受代歸務繁多簿籍才短乏恩威共

理乖天獎分憂值歲饑遽蒙交郡印

到任十二箇月
除替未及三年

安

敢整朝衣作牧慙為政思鄉念式微儻容還故里高卧

掩柴扉

魏朴

魏朴字不琢毘陵人詩二首

和皮日休悼鶴

直欲裁詩問杳冥
豈教靈化亦浮生
風林月動疑留魄
沙島香愁似蘊情
雪骨夜封蒼蘚冷
練衣寒在碧塘輕
人間飛去猶堪恨
况是泉臺遠玉京

經秋宋玉已悲傷
况報胎禽昨夜亡
霜曉起來無問處
伴僧彈指遶荷塘

羊昭業

羊昭業字振文吳人唐末登進士第大順中嘗預修國史有集十五卷今存詩一首

皮襲美見留小燕次韻

澤國春來少遇晴有花開日且飛觥
王戎似電休推病
周顛纔醒衆却驚
芳景漸濃偏屬酒
煖風初暢欲調鶯
知君不肯然官燭
爭得華筵徹夜明

時襲美眼疾未
平不飲酒故云

顏萱

顏萱字弘至江南進士中書舍人蕘之弟詩三首

送羊振文歸覲桂陽

高掛吳帆喜動容問安歸去指湘峯懸魚庭內芝蘭秀

馭鶴門前薜荔封

蘇耽舊宅在桂州

紅旆正憐棠影茂綵衣偏

帶桂香濃臨岐獨有霑襟戀南巷當年共化龍

先輩與拾遺叔

父同年

送圓載上人

師來一世恣經行却泛滄波問去程心靜已能防渴鹿

輦喧時為駭長鯨

師云舟人遇鯨則鳴鼓以恐之

禪林幾結金桃重

日本

金桃一實重一斤

梵室重修鐵瓦輕

以鐵為瓦輕于陶者

料得還鄉無別

利只應先見日華生

過張祜處士丹陽故居

有序

萱與故張處士祜世家通舊尚憶孩稚之歲與伯
氏嘗承處士撫抱之仁目管輅為神童期孔融於
偉器光陰徂謝二紀於茲適經其故居已易他主
訪遺孤之所止則距故居之右二十餘步荆榛之

下華門啓馬處士有四男一女男曰椿兒桂子椅
兒杞兒問之三已物故唯杞為遺孕與其女尚存
欲揖杞與言則又求食於汝墳矣但有霜鬢而黃
冠者杖策迎門乃昔時愛姬崔氏也與之話舊歷
然可聽嗟乎葛帔練裙兼非所有琴書圖籍盡屬
他人又云橫塘之西有故田數百畝力既貧窶十
年不耕唯歲賦萬錢求免無所嗚呼昔為穆生置
醴鄭公立鄉者復何人哉因吟五十六字以聞好

事者

憶昔為兒逐我兄，曾拋竹馬拜先生。
書齋已換當時主，詩壁空題故友名。
豈是爭權留怨敵，可憐當路盡公卿。
柴扉草屋無人問，猶向荒田責地征。

鄭壁

鄭壁唐末江南進士詩四首

和襲美傷顧道士

斜漢銀瀾一夜東，飄飄何處五雲中。
空留華表千年約

纔畢丹爐九轉功，形蛇遠山孤壙。月影寒深院，曉松風
門人不覩飛昇去，猶與浮生哭恨同。

奉和陸魯望白菊

白艷輕明帶露痕，始知佳色重難羣。終朝疑笑梁王雪，
盡日慵飛蜀帝魂。燕雨似翻瑤渚浪，雁風疑卷玉綃紋。
瓊妃若會寬裁剪，堪作蟾宮夜舞裙。


和襲美索友人酒

乘興閑來小謝家，便裁詩句乞榴花。邴原雖不無端醉，

也愛臨風從鹿車

文燕潤卿不至

已知羽駕朝金闕不用燒蘭望玉京應是易遷明月好
玉皇留看舞雙成



御定全唐詩卷六百三十一

欽定四庫全書

集部
御定全唐詩卷六百三十二至
四

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官庶吉士臣范鏊

騰錄監生臣周桐

欽定四庫全書

御定全唐詩卷六百三十二

司空圖

司空圖字表聖河中虞鄉人咸通末擢進士第由宣歙
幕歷禮部郎中僖宗行在用為知制誥中書舍人歸隱
中條山王官谷龍紀乾寧間徵拜舊官及以戶兵二部
侍郎召皆不起遷洛後被詔入朝以野耄丐歸朱全忠
受禪召為禮部尚書不食而卒圖少有俊才晚年避世

棲遯自號知非子耐辱居士有先世別墅泉石林亭頗
愜幽趣日與名僧高士遊詠其中有一鳴集三十卷內
詩十卷今編詩三卷

塞上

萬里隋城在三邊虜氣衰沙填孤障角燒斷故關碑馬
色經寒慘鷓聲帶晚悲

一作
飢

將軍正閑暇留客換歌辭

寄永嘉崔道融

旅寓雖難定乘閒是勝遊碧雲蕭寺霽紅樹謝邨秋戊

鼓和潮暗船燈照島幽詩家多滯此風景似相留

下方

三十年來往中間京洛塵倦行今白首歸臥已清神坡

暖冬抽

一作生

筍松涼夏健人更慚徵詔起避世迹非真

華下

日炙旱雲裂迸為千道血天地沸一鑊竟自烹妖孽堯
湯遇災數災數還中輟何事姦與邪古來難撲滅

僧舍貽友

笑破人間事，吾徒莫自欺。
解吟僧亦俗，愛舞鶴終卑。
竹上題幽夢，溪邊約敵棋。
舊山歸有阻，不是故遲遲。

下方

昏旦松軒下，怡然對一瓢。
雨微吟思

一作春未

足花落夢無

聊細事，當棋遣衰容。
喜鏡饒溪僧，有深趣。
書至又相邀。

華下送文浦

一作渴

郊居謝名利

舊史云河北亂國寓華陰

何事最相親，漸與論詩久。皆

知得句，新川明虹照。
雨樹密鳥衝，人應念從今去還來。

嶽下頻

自誠

我祖銘座右嘉謀貽厥孫勤此苟不怠令名日可存
媒銜士所耻慈儉道所尊松柏豈不茂桃李亦自繁
衆人皆察察而我獨昏昏取訓於老氏大辯欲訥言

效陳拾遺子昂感遇二首

高燕飛何捷啄害恣羣雛人豈玩其暴華軒容爾居
強欺自天稟剛吐信吾徒乃知不平者矯世道終孤

陽和含煦潤卉木競紛華當為衆所悅私已汝何誇北
里祕穠豔東園鎖名花豪奪乃常理笑君徒咄嗟

效陳拾遺子昂

醜婦競簪花花多映愈醜鄰女恃其姿掇之不盈手量
已苟自私招損乃誰咎寵祿既非安於吾竟何有

感時

好鳥無惡聲仁獸肯狂噬寧教鸚鵡啞不遣麒麟細一作
吠人人語與默唯觀利與勢愛毀亦自遭掩謗終失計

秋思

身病時亦危逢秋多慟哭風波一搖蕩天地幾翻覆孤
螢出荒池落葉穿破屋勢利長草草何人訪幽獨

早春

傷懷同

一作仍

客處病眼却花朝草嫩侵沙短

一作長

冰輕

著雨消風光知可愛容髮不相饒早晚丹丘去

一作伴

飛

書肯

一作首

見招

上陌梯寺懷舊僧二首

雲根禪客居皆說舊無

一作吾

廬松日明金像山風

一作苔龕

嚮木魚依棲應不阻名利本來疎縱有人相問林間懶

拆書

高鴉隔谷見路轉寺西門塔影蔭泉脉山苗侵燒痕鐘

疎含杳靄閣

一作閣

迴亘黃昏更待他僧到長如前信存

寄懷元秀上人

悠悠干祿利草草廢漁樵身世堪惆悵風騷頓

一作頓

寂

寥高秋期步野積雨放趨朝得句如相憶莎齋且見招

次韻和秀上人遊南五臺

中峰曾到處題記沒蒼苔振錫傳深谷翻經想舊臺危
松臨砌偃驚鹿驀溪來內殿御

一作評

詩切

師以文章應制

身迴

心未迴

贈圓昉公

昉蜀僧僖宗幸蜀昉堅免紫衣

天階讓紫衣冷格鶴猶卑道勝嫌名出身閒覺老遲曉

一作晚

香延宿火寒磬度高枝每說長松寺他年與我期

贈信美寺岑上人

巡禮諸方遍湘南頻有緣焚香老山寺乞食向江船
紗碧籠名畫燈寒照淨禪我來能永日蓮漏滴寒泉

一作塔前

江行二首

地澗分吳塞楓高映楚天曲

一作迴

塘春盡雨方響夜深

船

舊唐書方響以鐵為之長九寸廣二寸負上方下

行紀添新夢羈愁甚往年

何時京洛路馬上見人煙

初程風信好迴望失津樓日帶潮聲晚煙含楚色秋戍
旗當遠客島樹轉驚鷗此去非名利孤帆任白頭

長安贈王注

一作法

正下搜賢詔多君獨避名客來當意愜花發遇歌成樂
地留高趣權門讓後生東方御閑駟一作東風園外好
同行

贈步寄李員外

危橋轉溪路經雨石叢荒幽瀑下仙果孤巢懸夕陽病
辭青瑣祕心在紫芝房更喜諧招隱詩家有望郎

寄鄭仁規

清才鄭小戎標的貴遊中萬里雲無侶三山鶴不籠香
和丹地暖晚着綵衣風榮路期經濟唯應在至公

寄考功王員外

喜聞三字耗閒客是陪遊白鳥閒疎索青山日滯留琴
如高韻稱詩愧逸才酬更勉匡君志論思在獻謀

雜言

一作短
歌行

鳥飛飛兔蹶蹶朝來暮去驅時節女媧祇解補青天不
解煎膠黏日月

陳疾

自憐旅舍亦酣歌世路無機奈爾何霄漢逼

一作碧

來心

不動鬢毛白盡興猶多殘陽暫照鄉關近遠鳥因投嶽廟過閒得此身歸未得磬聲深夏隔煙蘿

浙上

一作江浙上是今鄖陽府地在秦楚之交故有秦雲楚雨之句

華下支離已隔河又來此地避干戈山田漸廣後時

一作

頓到邨舍新添燕亦多丹桂石楠宜並長秦雲楚雨暗

相和兒童粟熟迷歸路

一作新逕

歸得

一作去

仍隨牧豎歌

西北鄉關近帝京，煙塵一片正傷情。
愁看地色連空色，靜聽歌聲似哭聲。
紅蓼滿一作邨人不在一作見，
青山遶一作檻路難平。
從他煙棹更南去，休向津頭問去程。

山中

全家與

一作為

我戀孤岑，蹋得蒼苔一徑深。
逃難人多分

隙地放生麋

一作鹿

大出寒林，名應不朽輕仙

一作山

骨理

到忘機近佛心，昨夜前溪驟雷

一作雲又作風

兩晚晴閒

一作獨

步數峰吟

一作溪禽

寄贈詩僧秀公

靈一心傳清塞心可公吟後磻公吟近來雅道相親少
惟仰吾師所得深好句未停無暇日舊山歸老有東林
冷曹孤宦甘寥落多謝攜筇數訪尋

重陽日訪元秀上人

紅葉黃花秋景寬醉吟朝夕在樊川却嫌今日登山俗
且共一作共興高僧對榻眠別畫長懷吳寺壁宜茶偏賞雪
溪泉歸來童穉爭相笑何事無人與酒船

丁未歲歸王官谷

家山牢落戰塵西，
疋馬偷歸路已迷。
塚上卷旗人簇立，
花邊移寨鳥驚啼。
本來薄俗輕文字，
却致中原動鼓鼙。
將一作時取一壺閒日月，
長歌深入武陵溪。

書懷

病來猶強引雛行，
力上東原欲試耕。
幾處馬嘶春麥長，
一川人喜雪峰晴。
閒知有味心難肯，
道貴謀安迹易平。
陶令若能兼不飲，
無絃琴亦是沽名。

退棲

宦遊蕭索為無能移住中條最上層得劍乍如添健僕
亡書久似失一作憶良朋燕昭不是空憐馬支遁何妨亦
愛鷹自此致身繩檢外肯教世路日兢兢

五十

閒身事少只題詩五十今來覺陡衰清秩偶叨非養望
丹方頻試更堪疑髭鬚強染三分折弦管遙聽一半悲
漉酒有中無黍釀負他黃菊滿東籬

新歲對寫真

得見明時下壽身須甘歲酒更移廵生情暗結

一作千

重恨寒勢常欺一半春文武輕銷丹竈火市朝偏貴黑頭人自傷衰颯慵開鏡擬與兒童別寫真

華下

籜冠新帶步池塘逸韻偏宜夏景長扶起綠荷承早露
驚迴白鳥入殘陽久無書去干時貴時有僧來自故鄉
不用名山訪真訣退休便是養生方

重陽山居

詩人自古恨難窮暮節登臨且喜同四望交親

一作座
賓朋

兵亂後一川風物笛聲中菊殘深處迴幽蝶陂動晴光
下早鴻明日更期來此醉不堪寂寞對衰翁

爭名

爭名豈在更搜竒不朽纔消一句詩窮辱未甘英氣阻
乖疎還有正人知荷香浥露侵衣潤松影和風傍枕移
只此共棲塵外境無妨亦戀好文時

光啟四年春戊申

一作歸王
官次年作

亂後燒殘數

一作滿

架書峰前猶自戀
吾廬忘機漸喜逢

人少覽鏡空憐待
鶴疎孤嶼池痕春漲滿
小闌花韻午

晴初酣歌自適
逃名久不必門多長者車

丁巳重陽

重陽未到已登臨
探得黃花且獨斟
客舍喜逢連日雨

家山

一作鄉

似響隔河砧
亂來已失耕桑計
病後休論濟

活心

已且病馬
安能活人

自賀逢時能自棄
歸鞭唯拍馬羈吟

喜王駕小儀重陽相訪

白菊初開臥內明，聞君相訪病身輕。
樽前且撥傷心事，谿上還隨覓句行。
幽鶴傍人疑舊識，殘蟬向日噪新晴。
擬將寂寞同留住，且勸康時立大名。

酬張芬赦後見寄

一作司空
曙詩

紫鳳朝銜五色書，陽春忽布網羅除。
已將心變寒灰後，豈料光生腐草餘。
建水風煙收客淚，杜陵花燭夢郊居。
勞君故有詩相贈，欲報瓊瑤愧不如。

上元放二雉

嬰網雖皆困，寒籠喜共歸。
無心期爾報，相見莫驚飛。

中秋

閒吟秋景外，萬事覺悠悠。
此夜

一作際

若無月一年虛

一作

空過秋

偶題

水榭花繁處，春晴日午前。
鳥窺臨檻鏡，馬過隔牆鞭。

閒步

幾處白煙斷一川紅樹時
壞橋侵轍水殘照背邨碑

春中

伏溜侵堦潤繁花隔竹香
嬌鶯方曉聽無事過南塘

獨望

綠樹連邨暗黃花出陌

一作入麥

稀遠陂春草綠

一作早

猶有

水禽飛

雜題

孤枕聞鶯起幽懷獨悄然
地融春力潤花泛曉光鮮

漫題三首

亂後他鄉節燒殘故國春自憐垂白首猶伴踏青人
齒落傷情久心驚健忘頻蝸廬經歲客蠶市異鄉人
率怕人言謹閒宜酒韻高山林若無慮名利不難逃

河上二首

惻惻日將暮驅羸獨到莊沙痕傍墟落風色入牛羊
新霽田園處夕陽禾黍明沙邨平見水深巷有鷗聲

早朝

白日新年好青春上國多街平雙闕近塵起五雲和

即事二首

茶爽添詩句天清瑩道心只留鶴一隻此外是空林
御禮徵竒策人心注盛時從來留振滯只待濟臨危

永夜

永夜疑無日危時只賴山曠懷休戚外孤跡是非間

秦關

形勝今雖在荒涼恨不窮虎狼秦國破狐兔漢陵空

渡江

秋江共僧渡鄉淚滴船回一夜吳船夢家書立馬開

退居漫題七首

花缺傷難綴鶯喧奈細聽惜春春已晚珍重草青青
堤柳自綿綿幽人無恨牽只憂詩病發莫寄校書牋
燕語曾來客花催欲別人莫愁春又過看著又新春
身外都無事山中久避喧破巢看乳燕留果待啼猿
詩家通籍美工部與司勳高賈雖難敵微官偶勝君

努力省前非人生上壽稀青雲無直道暗室有危機
燕拙營巢苦魚貪觸網驚豈緣身外事亦似我勞形

即事九首

宿雨川原霽憑高景物新陂痕侵牧馬雲影帶耕人
十年深隱地一雨太平心匣澁休看劒窗明復上琴
明時那棄置多病自遲留疎磬和吟斷殘燈照臥幽
衰鬢閒生少丹梯望覺危松須依石長鶴不傍人卑
落葉頻驚鹿連峰欲映鷗此生詩病苦此病更蕭條

旅思又驚夏庭前長小松遠峯生貴氣殘月斂衰容
林鳥頻窺靜家人亦笑慵舊居留穩枕歸臥聽秋鐘
華宇知難保燒來又却修只應巢燕惜未必主人留
幽鳥穿籬去鄰翁採藥回雲從潭底出花向佛前開

松滋渡二首

步上短亭久看回官渡船江鄉宜晚霽楚老語豐年
楚岫接鄉思茫茫歸路迷更堪斑竹驛初聽鷓鴣啼

華清宮

帝業山河固離宮宴幸頻
豈知驅戰馬只是太平人

牛頭寺

終南最佳處禪誦出青霄
羣木澄幽寂疎煙泛沈寥

感時上盧相

兵待皇威振人隨國步安
萬方休望幸封岳始鳴鑿

亂後三首

喪亂家難保艱虞病懶醫
空將憂國淚猶擬灑丹墀
流芳能幾日惆悵又聞蟬
行在多新貴幽棲獨長年

世事嘗艱險僧居慣寂寥
美香聞夜合清景見寅朝

秋景

景物皆難駐傷春復怨秋
旋書紅葉落擬畫碧雲收

避亂

離亂

一作離亂

身偶在竄跡任浮沈
虎暴荒居迫螢孤黑夜

深

長亭

梅雨和鄉淚終年共酒衣
殷勤華表鶴羨爾亦曾歸

邨西杏花二首

薄膩力偏羸
看看愴別時
東風狂不惜
西子病難醫
肌細分紅脉
香濃破紫苞
無因留得翫
爭忍折來拋

獨坐

幽徑入桑麻
塢西逢一家
編籬薪帶蠶
補屋草和花

借居

借住郊園久
仍逢夏景新
綠苔行屐穩
黃鳥傍窗頻

重陽

菊開猶阻雨蝶意切於人亦應知暮節不比惜殘春

偶書五首

衰謝當何憾惟應悔壯圖磬聲花外遠人影塔前孤
色變鶯雛長竿齊筭籜垂白頭身偶在清夏景還移
蜀妓輕成妙吳娃狎共纖晚妝留拜月卷上水精簾
獨步荒郊暮沉思遠墅幽平生多少事彈指一時休
掩謗知迎吠欺心見強顏有名人易困無契債難還

雜題九首

病來勝未病名縛便忘名今日甘為客當時注愍征

圖集

有注愍征賦述
賦盧獻卿撰

暑濕深山雨荒居破屋燈此生無懺處此去作高僧
不須頻悵望且喜脫喧囂亦有終焉意陂南看稻苗
樓帶猿吟迴庭容鶴舞寬睽書因閱畫封藥偶和丹
宴罷論詩久亭高拜表頻岸香蕃舶月洲色海煙春
驛步堤縈閣軍城鼓振橋鷗和湖鴈下雪隔嶺梅飄
帶雪南山道和鐘北闕明太平當共賀開化喝來聲

舴艋援偷上蜻蜓燕競飛
樵香燒桂子苔濕挂莎衣
溪漲漁家近煙收鳥道高
松花飄可惜睡裏灑離騷

古樂府

一葉隨西風君行亦向東
知妾飛書意無勞待早鴻

有感

燈影看鬚黑墻陰惜草青
歲闌悲物我同是冒霜螢

休休亭

且喜安能保那堪病更憂
可憐藜杖者真箇種瓜侯

漫書二首

剩欲逢花折須判
冒雨頻晴明開漸少
莫怕濕新巾
小蝶爾何競追飛
不憚勞遠教羣雀
見寧悟禍梯高

歲盡二首

明日添一歲端憂
奈爾何衝寒出洞
口猶校夕陽多
莫話傷心事投春
滿鬢霜殷勤共尊
酒今歲只殘陽

牡丹

得地牡丹盛曉添
龍麝香主人猶自
惜錦幕護春霜

亂後

羽書傳棧道風火隔鄉關
病眼那堪泣傷心不到間

春山

可是武陵溪春芳著路迷
花明催曙早雲膩惹空低

樂府

寶馬跋塵光雙馳照路旁
喧傳報戚里明日幸長楊

亂前上盧相

虜黠雖多變兵驕即易乘
猶須勞斥候勿遣大河冰

御定全唐詩卷六百三十二